

欽定重修兩浙鹽法志

欽定重修兩浙鹽法志卷十八

優恤

布德以惠民生而裕商以資國計我

朝定鼎之初

德音疊沛凡明季橫徵苛斂蕩滌維新商困旣甦丁無
不被澤嗣是

列聖相承屢念民依惻瘻在抱惟恐商力或有拮据時下
蠲緩之

詔復爲之汰其浮費貫其追逋所以惠恤者甚至而瀕

海之區間遇風潮衝溢則鹽場竈戶均與災黎一律撫賑湛閭

恩施有加靡已實爲史冊所罕覩矣舊志有蠲恤一門今分爲恤商恤竈名目俾商人亭戶羣知涵泳無涯至如

省方有典視

蝦無疆雨露之霑無微不逮其各商能急公向義者必嘉予而

褒賞之斯優渥爲何如者乎志優恤

恤商

順治二年六月奉

恩詔蠲免鹽課分外科收是時浙東全閩尚爲唐藩竊據未得一例邀

恩順治三年旣定浙東遂平閩越順治四年二月十二日欽奉

恩詔內一款浙閩運司鹽課前代天啟崇禎年間加派名色甚多深爲商厲令盡行蠲免止按萬歷年間舊額按引徵解

順治三年九月戶部覆准兩浙巡鹽御史王顯具
題浙東初定應廣示招徠開徵日期與蠲免分數
應遵

恩詔以地方歸順之日徵收爲始而蠲免分數常從三
分之一

康熙十三年十月兩浙巡鹽御史許賓題稱紹所
引鹽例派金衢等屬地方運賣因閩逆變亂前掣
之鹽旣無處運銷應將金衢嚴廣四府康熙十三
年夏季起鹽引行銷一半其餘一半繳部俟地方

蕩平之日仍照原額行銷

康熙十四年四月浙江巡撫陳秉直題覆紹所引
鹽向由嚴屬淳安縣谿河運至徽州府發賣上年
四月間開逆之亂土寇竊發淳安運道阻絕徽州
郡城失守屬邑鄉市先遭蹂躪商民逃散徽屬地
方不能行銷實自夏始所有額引應與金衢嚴廣
四府一例減半行銷等因戶部覆准一例減半行
銷

康熙十五年二月兩浙巡鹽御史單璧題稱紹所

引地金衢等府雖經平復但兵燹之後民多逃失
戶口寥寥而江常開三邑仍然阻路廣信一郡隔
絕未通商力凋敝額引難銷等因戶部覆准紹所
暫減三分行銷俟江常等縣恢復廣信路通之日
卽照舊行

康熙二十年十二月二十日欽奉

恩詔內一款康熙十七年各行鹽地方徵收閏月課銀
除已完外如拖欠者該巡撫御史保題到日優免此
後閏月停其徵收

康熙二十三年二月兩浙巡鹽御史巴錫題稱前任御史詹哲任內應行引目因霪雨連縣場鹽缺少未銷一十二萬六千四引今各商議以康熙二十三年爲始分爲三年附銷庶新舊之引無礙而各商之本無虧等因戶部覆准前任御史未銷鹽引鹽課銀兩旣已全完其分年帶銷之處應如所題分年帶銷

康熙三十八年四月初五日浙閩總督郭世隆題稱兩浙鹽課額徵銀四十萬兩自康熙十六年奉

文加增銀六萬二千七百餘兩歷年照額徵解今
據該商方永昇等以拮据難支懇將加增之銀豁
除等情伏查兩淮加增鹽課蒙

皇上軫念商民恐致匱乏於康熙三十八年四月初二
日

特需綸音將加增四十萬兩內豁免二十萬兩欽遵在
案今兩浙加增課銀應否豁免出自

聖裁等因具題本月十九日奉

旨這所增銀兩著免一半該部知道欽此

雍正四年九月十三日戶部議覆浙江巡撫兼管鹽政李衛都察院左都御史傅敏等遵

旨查議兩浙浮派鹽規一案奏稱噶爾泰傅色納楊爲梓三任內甲商浮用過銀一十八萬二千五百七十二兩俱應照追等語查甲商浮用銀兩冊內開載每年所用皆有款項其中多開冒銷所不能免實非甲商盡行入已今應寬其行追年限分作十年帶完鹽驛道王鈞應得未用程費銀二萬六千四百兩零旣收貯在庫王鈞情願歸公應歸入公

帑至未收之項竟行裁革又謝賜履任內甲商已
派未用銀七萬八千二兩零從前甲商俱稱核減
在後浮派在前情願充公今訊據雖經預派實未
收受此內有非歲有之事自應裁去其已派未收
銀四萬四千四百八十兩若令甲商賠補未爲允
協似可邀

恩免追又撫臣法海所奏除鹽驛道程費歸公外其各
衙門年規銀五萬二千兩自應永遠充公誠恐年
有豐歉引銷多寡拖欠不一似難永作章程議將

督撫織造諸臣鹽規充公外其餘文武各官或仍給養廉之處出自

聖恩等語查兩浙商人請減浮費原因兩淮商人既沐皇上浩蕩之恩冀蒙照例裁減我

皇上軫念窮商

特命清查減存以紓商力今該撫等既議裁減而又以所裁督撫等陋規爲充公之用則有減之名無減之實督撫兩司府縣俱有耗羨以爲養廉不應更於鹽務分潤所有年規俱應裁革歸之於商其應

裁銀四萬五千六百二十兩臣等通計每年浮費
除歸公外尚存銀二十四萬六千三百八十兩零
今將各衙門規禮鹽道程費及甲商浮用等項議
減銀一十一萬六千二十兩其雍正三年甲商已
派未得銀四萬四千四百八十兩零在浮費之外
應免其追出具題請

旨奉

旨依議欽此

乾隆元年

高宗純皇帝以浙江鹽價增貴由於商本艱難商人鹽斤
充裕則鹽價自然平減特降

恩旨酌定增斤改引之法將杭嘉紹三所每引加增鹽
五十斤松所改行票引每引給鹽四百斤俾商本
寬裕庶可復還原價

乾隆二十七年

高宗純皇帝巡幸江浙欽奉

恩旨將嘉松寧紹等所運銷引鹽每引各加五斤以一
年爲限俾民食足而商力紓稱朕恤商愛民至意欽

此

乾隆三十五年

高宗純皇帝恭奉

孝聖憲皇后安輿巡幸天津浙商迎

鑾祝嘏欽奉

恩旨該商等歡欣踴躍忱悃可嘉自應量加恩賚將每
引額定鹽斤外加鹽五斤免其輸納課項以一年爲
滿俾商力益臻饒裕該部卽遵諭行欽此

乾隆三十六年欣逢

孝聖憲皇后八旬萬壽各省商人恭辦

慶典仰蒙

賞賚優加復奉

恩綸總商甲商叨

恩獨厚其餘商衆未能遍逮因傳

旨令兩浙商人准每引加餘鹽五斤以三年爲限庶總

散各商得以同霑愷澤

恤竈

順治十六年二月兩浙巡鹽御史于嗣登題稱定

海縣年額水鄉蕩塗商稅正雜鹽課共銀一千七百三十餘兩舟山派徵銀八百七十四兩零越居海外十二年十月內海逆盤踞十三十四兩年錢糧一概虛懸所有從前之舊欠以後之正額似當並爲開除等因戶部覆准查舟山自十三年奉旨起遣人民錢糧旣無追徵相應免其徵解

康熙四年四月戶部議覆掌京畿道御史顧如華具題兩浙運司遷徙無徵銀兩屢經巡鹽御史題請除豁臣部具覆仍令攤派見在各場認納今康

熙四年三月初五日欽奉

恩詔一款內開鹽課積逋催徵不得者著察明亦准酌量蠲免已經通行各省果於催徵不得應令該御史查明具題蠲免

康熙四年七月松屬下砂三場袁浦場海寧許村場山陰錢清場嘉興西路場產鹽之地遭颶風淫雨海嘯潮衝房舍漂流田禾淹沒各竈多有離散九月兩浙巡鹽御史張志尹會同督撫具題

敕下戶部行令該御史速將被災各場竈民設法招徠

全明倫彙編 卷一百一
賑恤毋誤煎鹽辦課

康熙二十六年十一月戶部議覆兩浙巡鹽御史
常翼聖題稱兩浙溫台寧各場遷置界外課銀無
著部議將無徵銀九千五百餘兩暫令內地各場
均攤徵補歷經多年今值

大赦凡康熙十三年以後加增稅銀概蒙豁免伏乞
恩詔普頒將攤課悉與減除等因查該御史身在地方
目擊兩浙遷海闕課窮竈代輸年久苦累會同該
督撫具題請蠲相應悉與減除可也奉

旨依議欽此

康熙五十一年二月戶部議覆兩浙巡鹽御史顏
圖具題松江府屬華亭上海等縣竈課歷年拖欠
自康熙三十五年起至四十六年止十年積欠共
銀一十萬四千八百餘兩新舊並徵窮竈委難兼
顧請自康熙五十一年爲始隨同新課一年帶追
一年務限全完等因查該御史旣稱十年積欠新
舊並徵各竈戶委難兼顧應如所請隨新課分年
帶追徵收可也奉

旨依議欽此

雍正二年七月十八十九兩日江南浙江沿海地方海潮衝溢鹽場漂沒竈戶場丁尤爲艱食九月二十四日

上諭山東巡撫陳世倌河南巡撫田文鏡湖廣總督楊宗仁江西巡撫裴率度今歲各省秋成大有惟浙江江南沿海地方七月十八九等日海潮泛溢近海田禾不無損壞朕軫念災黎惟恐失所業經嚴飭兩省督撫發倉賑濟多方撫恤但杭嘉蘇松等府人稠地

狹向來出米無多雖豐年亦仰給於他省今沿海被災恐將來米價騰貴小民艱食河南山東二省壤接江南秋成豐稔湖廣江西地居上流今歲豐收爾可速動司庫銀兩山東買米六萬石河南買米四萬石湖廣買米一萬石江西買米六萬石選委廉幹賢員陸續運交蘇州巡撫浙江巡撫平糶所糶之銀仍移還補庫其米應於何處交卸爾卽咨商蘇州巡撫浙江巡撫酌議速行毋得怠緩遲誤特諭欽此

雍正三年五月左副都御更管理兩浙鹽務謝賜

履將雍正二年七月間華亭婁縣上海海寧餘姚
蕭山慈谿等縣海潮漂沒情形摺奏本月十七日
上諭戶部去歲江浙海潮衝溢沿海場竈淹沒之處甚
多兩淮鹽政所屬地方經噶爾泰奏聞朕卽發帑賑
恤并將雍正元年二年竈戶未完折價銀四萬餘兩
悉行蠲免其兩浙鹽政所屬地方該巡鹽並未將被
災之處題報今謝賜履以摺奏聞去秋海濤漂沒情
形兩浙與兩淮無異朕博施一體之心務使率土均
霑膏澤著將華亭婁縣上海海寧餘姚蕭山慈谿等

縣雍正元年二年未完場課銀兩悉行蠲免該鹽政
通行曉諭俾各場丁戶人人得霑實惠將已未完場
課數目確查報部倘有不肖有司將已完作欠或借
端朦混私行重徵者卽指名題參若隱匿通同後經
察出將該鹽政一併從重治罪該地方督撫仍嚴加
稽察毋使胥吏中飽以副朕勤恤窮丁普濟同仁至
意爾部卽遵諭行欽此戶部行文兩浙鹽政查將雍
正元年分除蕭山華亭慈谿等三縣俱批解全完
外婁縣上海海鹽餘姚等四縣未完場課銀五千

三百一十兩四錢一分零雍正二年分除蕭山一
縣已經批解全完外華亭婁縣上海海寧餘姚慈
谿等六縣共未完場課銀三萬一千四十四兩四
分零欽遵

上諭悉行蠲免備造完欠清冊送部核題

雍正十年七月蘇松等屬各州縣沿江濱海地方
猝遇風潮田廬漂沒欽奉

諭旨令江省督撫布政司誠心撫綏當經查明被災民
人分三次賑給口糧其被災竈丁卽動鹽義倉米

散給又於雍正十一年正月奉

上諭上年江南沿海被水地方如常熟等二十二州縣
並續報之華亭等六縣該督撫已遵旨撫綏軫恤定
議大賑三次每賑以一月爲期窮民存養有資不致
失所矣朕念二三月正青黃不接之時著再加賑四
十日以昭格外之恩再被水之鹽場竈戶亦照貧民
例加賑該督撫鹽政務須實力奉行以副朕恤災拯
困之至意欽此是年八月又奉

恩旨上年江南松江地方潮水泛溢爲災南匯之下砂

頭二三場奉賢之青村場被災稍重所有本年額課銀兩及歷年舊欠著將本年額課緩至十月秋收後開徵其歷年舊欠分作三年帶徵以紓竈力欽此

雍正十一年八月戶部遵奉

諭旨各省官員名下應追贓銀及侵欺那移分賠代賠等事雍正三年以前者陸續查奏今將原任松江府知府李文淵於該府屬華亭上海二縣康熙三十五年及四十六年竈欠場課分賠除該知府先經完繳外尚欠銀二百三十七兩四錢九分五釐開

冊具題奉

旨悉行寬免欽此

雍正十三年十二月奉

特旨朕前降旨傳諭江南督臣將雍正十二年以前兩淮場課舊欠查明奏開蠲免今朕聞兩浙山東福建廣東諸處各有舊欠場課鹽折銀兩事同一體宜並施恩著該部傳諭各該督撫查明具奏一并豁免欽此經浙江總督查明浙省竈課錢糧並無欠項惟江省所屬縣場尚有未完奏請

恩免

乾隆三年八月松江府下砂二三場潮水浸溢大學士浙江總督兼管鹽政嵇曾筠浙江巡撫兼管鹽政盧焯先後奏明蕩地成災秋成失望竈力維艱請以該二場被災六分蕩地每畝給籽本銀二分被災八分十分蕩地每畝給籽本銀四分通共給籽本銀一千二百三十六兩九錢二分一釐零至被災房屋每間給修葺銀五錢共給銀一百兩均於鹽庫餘平項下動支再於青黃不接竈戶乏

食之時請動鹽義倉穀石極貧被災竈戶賑給四月次貧者賑給三月又次貧者賑給兩月其應免蕩地錢糧分別新舊緩徵應查明具題部覆准行乾隆十二年七月海寧等十四縣石堰等八場猝被風潮浙江巡撫常安題報是年十二月巡撫顧琛奉部覆准石堰等場被災貧竈就近動支縣庫賑給在鹽道庫撥還歸款其下砂頭二三場被災較重准於京協餉餘平項下支銀賑給並動鹽義倉及就近縣分銀穀先給口糧一月並撫恤淹斃

人口坍倒瓦屋至崇明岱山官收厰鹽漂沒核計
帑本銀一百十六兩八錢五分九釐零又漂失鹽
斤包索核計帑本銀二十二兩一分一釐題明
恩准豁免又欽奉

諭旨將崇明縣乾隆十三年地丁錢糧全行豁免經浙
江巡撫方觀承查明該縣額徵鹽課水鄉雜餉包
課等銀共四千九百五十七兩六錢五分一釐零
請照依民糧一體豁免奏奉

俞允遵行

乾隆二十二年欣逢

高宗純皇帝南幸江浙蠲免經由各省積欠又奉

特旨因浙省所免獨少將舊欠漕項籽本銀兩屯餉公
租概行蠲免浙江巡撫兼管鹽政楊廷璋查明原
動鹽道庫鹽義倉米價給發仁和場借給貧竈籽
本未完銀三千四百一十三兩二錢五分奏明蠲
免

乾隆二十七年欣逢

高宗純皇帝三幸浙江先經降

旨江蘇安徽浙江積欠地丁概予豁免

駐蹕浙江後又奉

恩綸將乾隆二十三、四、五、六等年災緩帶徵未完地丁
屯餉及二十五年以前民欠未完漕糧並水鄉竈
課未完銀兩通行蠲免經浙江巡撫兼管鹽政熊
學鵬查明江浙水鄉竈課原奉蠲免銀一十萬一
千餘兩未經接奉

恩旨之前各縣場續完銀二萬八千七百一十兩九錢
零實未完銀七萬二千四百八兩九錢零具題豁

免

乾隆三十年欣逢

高宗純皇帝翠華臨幸先經降

旨將江浙省積欠錢糧全數豁免

駐蹕浙江後又奉

恩綸著再加恩將浙江省乾隆二十六七八等年積欠未完漕項及仁和袁浦等場未完電課一萬八千六百餘兩二十四六七八等年因災緩帶積欠未完南米及借給各場竈戶倉米一萬八千九百餘石二十

六八兩年錢糧諸暨玉環等廳縣借給農民緩徵租
穀一萬六千九百餘石概行豁免該督撫其率屬實
力奉行務俾恩膏下逮稱朕惠愛黎元至意欽此經
浙江巡撫兼管鹽政熊學鵬欽遵具題豁免其漕
項竈課銀兩除漕項歸糧道造報蠲免外所有二
十七八兩年未完竈課據續完銀一百一十九兩
一錢七分一釐零實在蠲免銀七千一百三十二
兩一分六釐零

乾隆三十一年七月杜濱黃巖二場猝被風潮沿

海塗田民舍場竈皆被沖刷人口淹斃浙江巡撫
兼管鹽政熊學鵬查明成災田畝題請蠲免正課
滴珠車腳銀一千一百三十三兩七錢一分四釐
撫恤災竈一月口糧共米一千六百二十九石六
斗又散給籽本穀一千六百六十六石五斗一升
六合七勺又賑恤坍倒房屋銀五千五百九十五
兩二錢五分斃口銀一千七百二十七兩又被災
七分及八九分竈田除蠲免外尚應徵銀一千五
百八十四兩一錢七分八釐分別二年三年帶徵

均經戶部議覆奉

旨准行

乾隆四十六年秋江南崇明等縣被水浙江巡撫
兼管鹽政福崧具題崇明縣請蠲免鹽課等銀二
千七百八十六兩四錢三分五釐請分年帶徵銀
五百二十五兩五錢六分二釐海門廳請蠲免鹽
課銀二百六十二兩二錢二分六釐請分年帶徵
銀五十二兩七錢一分八釐經部議准奉

旨依議欽此

乾隆五十八年江南松江府屬之青浦婁縣民田
被水江蘇巡撫奏明緩徵兩浙鹽政全德查明婁
縣應緩徵鹽課銀一百三十六兩四錢四分青浦
應緩徵鹽課銀二百九十九兩三錢六分一釐請
至來年秋間分作二年帶徵完款經部覆准行
乾隆五十九年八月江南松江太倉等屬竈地積
雨連縣禾稻木棉歉收巡撫署鹽政吉慶具題松
江府屬之青村袁浦橫浦浦東下砂及下砂二三
等六場並太倉州屬之崇明場暨該府州所屬之

華亭婁縣奉賢金山上海南匯青浦崇明八縣請
將本年應徵錢糧緩徵奉

旨著一并加恩緩至來年秋收後帶徵以紓竈力欽此
旋據兩浙鹽政岳謙咨部借給青村袁浦下砂頭
二三場竈戶口糧兩月共借給銀四萬九千三十
五兩五錢二分先由江蘇藩庫墊發委員按戶放
給卽於兩浙運庫照數撥還經部覆准行

乾隆六十年正月欽奉

恩旨普免天下應徵漕糧各省尚有積年民欠及因災

帶緩未完銀穀著各督撫詳悉查明按照該省所屬之某州某縣實欠在民銀穀若干速行開單具奏到日降旨豁免等因欽此兩浙鹽政全德查明兩浙積欠竈課及因災緩徵其銀六萬九千二百九十二兩開單奏請奉

旨並著一體加恩豁免以示朕一視同仁至意欽此

嘉慶元年八月溫州台州二府屬猝被颶風驟雨浙江巡撫玉德奏請

恩撫並查明永嘉舩艚長林雙穗玉環杜瀆黃巖等處

倒折鹽厥冲失官收帑鹽核計帑本銀共二萬一千六百六兩四錢二分四釐取具各該管官印結題請豁除帑本經部覆准行

嘉慶二年七月台州溫州寧波三府沿海各屬猝被風潮海塘工段潑損場竈均遭淹浸浙江巡撫玉德奏明請恤並查明杜濱黃巖長林玉環定海岱山等處鹽厥倒折漂失官收帑鹽核計帑本銀一萬六千六百二十九兩一錢三分一釐取具各該管官印結題請豁除帑本經部覆准行

嘉慶三年江省淮安徐州海州等屬間被水災松
江府屬木棉歉收江蘇巡撫費淳查明上海南匯
華亭奉賢婁縣青浦等縣本年鹽課銀一千四百
三十四兩七錢二分二釐奏請緩至來年秋成後
分作二年帶徵完款經部覆准行

嘉慶四年秋江省淮安徐州海州等屬被水江蘇
巡撫岳起查明具奏請蠲阜甯銅山豐縣沛縣蕭
縣碭山邳州宿遷睢寧海州沐陽崇明等十二州
縣並大河徐州二衛民屯起存地丁屯折雜辦漕

項麥折蘆課鹽課學租灘租等銀共三萬四千五百五十四兩零又山陽阜寧清河桃源安東鹽城東臺興化寶應銅山豐縣沛縣碭山邳州宿遷睢寧海州沐陽崇明通州海門等二十一州廳縣應緩各項民屯糧漕學租蘆課鹽課銀共一十六萬二千九百七十四兩零又崇明縣未完舊欠嘉慶元年鹽課銀一千二百一十七兩零奉旨分別蠲免帶徵

嘉慶四年十一月欽奉

恩詔內開各省六十年以前積欠緩徵地丁耗羨及民
欠籽種口糧漕糧銀兩俱著豁免欽此兩浙鹽政延
豐查明松屬青村下砂頭二三場於乾隆五十九
年因災借給貧竈口糧除完解外尚未完銀二萬
二千八百七十五兩六錢一分八釐題明請豁
嘉慶五年六月浙江金華台州各府屬猝遇風潮
沖失臨海縣界之杜濱場帑收鹽斤計帑本銀二
千二百三十七兩五錢六分六釐五毫巡撫阮元
會同鹽政延豐題明請豁

謹按此項請豁帑本部議飭委隔屬文武各員往勘由運司分司加結造報并查臨海縣被水成災分數核辦等因隨經取結送部並查明臨海縣被水並未成災已另案題奉覆准惟田禾被水尙堪救補厥鹽被水卽皆溼化聲請援例豁除茲仍照原題開除以符嘉慶五年分帑鹽奏銷冊報額數

獎賞

雍正四年十月浙江巡撫兼管鹽政李衛以兩浙商人汪中立等情願公輸銀一十萬兩解歸藩庫

分發買穀以備積貯等因具題奉

旨兩浙衆商公輸銀兩爲地方預備積貯甚屬可嘉著
議政大臣大學士九卿悉照兩淮鹽義倉之例定議
具奏欽此雍正七年十二月浙江總督兼管鹽政李
衛又以商人吳永豐等前項捐銀一十萬兩已經
交足請全數買米積貯願再捐銀二萬兩以作建
倉之費等因具題奉

旨該部議奏欽此均經戶部議准行令開造商捐名冊
題請議敘嗣據該商等以衆商樂輸仰答

皇恩稍圖報効不敢濫叨議敘等情呈請邀免咨部覆
准

雍正五年十月戶部題覆浙江總督兼管鹽政李
衛疏稱准部行追前任鹽臣傅色納楊爲梓噶爾
泰三任甲商名下浮費銀一十八萬二千五百七
十二兩現據商人沈公盛等以從前商名已有消
乏呈請按引公輸分作十年輸足等因奉

旨依議兩浙鹽商急公効力甚屬可嘉著議敘具奏欽
此雍正七年吏部題據總督兼管鹽政李衛將四

所商人公舉首刼完銀及趙催完繳之商造冊咨
送辦理請將刼首完銀之商人沈公盛卽捐職州
同沈芳仁汪渭卽捐職州同汪兆綸准加以應陞
通判職銜方允泰卽監生方大承准給以九品頂
帶趙催完繳之甲商吳永豐卽候選主簿吳焯准
加以應陞縣丞職銜奉

旨依議欽此

雍正十年二月戶部題覆浙江總督兼管鹽政李
衛疏稱浙商前後捐輸銀兩買穀建倉俱經題請

俞允上年淮北山東交界地方偶爾被水現荷

皇仁撥運浙省鹽義倉米一十八萬餘石運往賑糶該商等以積貯具有成效請照雍正五年之例再捐銀一十萬兩并建倉銀二萬兩於嘉興縣王店鎮地方建倉買穀以補備儲等因蒙

恩准行

雍正十二年五月工部題覆浙江總督兼管鹽政程元章疏稱浙省仁寧二邑海塘關係重大荷蒙動帑修築以資捍衛商人汪恆豐等請按引捐輸

銀一十萬兩聽候撥濟海塘工用等因奉

旨依議捐助塘工之汪恆豐等著令該部分別議敘具
奏欽此嗣據該商等以急公報効分所當爲不敢濫
叨議敘呈請代叩

天恩經鹽政程元章據情咨部覆准

乾隆八年浙江巡撫兼管鹽政常安以商人吳王
如等情願捐銀一十萬兩歸入鹽義倉項下以廣
積貯等因具奏欽奉

硃批知道了若合議敘疏中陳請以嘉任恤之誼欽此

嗣以商衆懇辭議敘該撫奏明酌給匾額花紅以示鼓勵

乾隆十一年浙江巡撫兼管鹽政常安以商人吳玉如等又請捐銀一十萬兩將來遇有遠場需賑運穀維艱卽可酌撥此項以爲兼賑之用等因具奏蒙

恩允准

乾隆十三年十一月浙江巡撫兼管鹽政方觀承以商人吳玉如等因金川小醜跳梁仰承

天威震疊竚奏膚功請公捐銀一十萬兩稍佐大軍沿途芻秣之費等因具題奉

硃批該部知道欽此乾隆十五年吏部題准將倡捐之四所甲商及捐數較多各商造冊咨部酌量捐數分別議敘請將商人捐職州同金肇鐸葉世紀鮑峻各准以應得之缺不論雙單月卽用捐職州同薛景暄薛澂吳家焯汪湛各准以應得之缺歸雙月卽用捐職州同汪世沐准以應得之缺歸雙月四選一陞轉用兩班之後選用捐貢生汪燮監生

吳玉垣免其考職准以主簿吏目二項兼掣掣得之缺歸雙月卽用其餘各商該撫旣稱捐數零星請給予匾額花紅羊酒以示獎勵奉

旨依議欽此

乾隆二十四年二月浙江巡撫兼管鹽政楊廷璋以商人吳玉如等請公捐銀二十萬兩稍佐屯餉等因具題欽蒙

恩允並將該商等交部議敘乾隆二十六年吏部題據浙江巡撫兼管鹽政莊有恭將捐數較多之商造

冊咨部請將捐職州同金海薛棠鮑清王一紳俱
准加頂帶一級仍以本項應得之缺不論雙單月
卽用捐職州同吳份候選州同汪湛主簿吳玉垣
准以應得之缺不論雙單月卽用捐職員外郎葉
以嘉准其以應得之缺歸雙月卽用貢生方濂監
生朱峻各給州判職銜不論雙單月卽用監生許
嗣抗薛世儒各給縣丞職銜不論雙單月卽用其
餘各商該撫旣稱捐數零星請給予匾額羊酒花
紅以示獎勵奉

旨依議欽此

乾隆三十八年九月浙江巡撫兼管鹽政三寶以
商人何永和等因金川小醜剋日勦除請輸銀一
百萬兩稍佐軍營芻秣之用等因具題奉

旨何永和等踴躍急公情殷報効著三寶卽查明各商
捐數多寡核定等差報部照例分別議敘欽此

乾隆四十六年吏部題據浙江巡撫兼管鹽政李
質穎將捐數較多之商造冊咨部請將捐職知府
汪思蔚准以本項應得之缺不論雙單月卽用捐

職主事吳廷侃程光國王仕基均准以應得之缺
不論雙單月卽用仍各加頂帶一級捐職主事吳
余棫同知許立綱何元度方穉均准以本項應得
之缺不論雙單月卽用仍各加頂帶二級候選州
同汪立名准加頂帶四級仍以本項應得之缺不
論雙單月卽用捐職布政司經歷吳世驊王炎吳
一惠州同鮑惠何琳顧天爵布政司理問方治均
准加頂帶三級仍以本項應得之缺不論雙單月
卽用捐職布政司經歷姚賓州同葉道立均准加

頂帶一級仍以本項應得之缺不論雙單月卽用
捐職布政司理問汪本乾准以本項應得之缺不
論雙單月卽用貢生鮑立然朱喬朱有信給與州
同職銜不論雙單月卽用仍准各加一級監生程
雲俞文鏈給予州同職銜不論雙單月卽用監生
汪日文祝棟汪廷模給予州判職銜不論雙單月
卽用捐職同知潘奕玠准加頂帶一級捐職布政
司理問何宗方已受伊姪何俊遊擊貤封應照該
員所得封典加頂帶一級捐雙單月補用之鹽大

使孫慰祖准以應陞之知縣不論雙單月卽用俊秀程立杞汪思鑑給予五品職銜俊秀許榮暢給予四品頂帶其餘各商該撫旣稱捐數零星請錫匾額花紅羊酒以示獎勵奉

旨依議欽此

乾隆四十五年

高宗純皇帝巡幸江浙衆商恭辦景工迎

鑾欽奉

恩旨呈出漪園玉件之商人姚經又據該撫奏稱爲浙

商中最得力之人著加恩從優賞四品頂帶其辦事出力列爲一二等之各商內除何宗方已授遊擊封典汪立名金海業經議敘州同卽用均可毋庸加恩其捐職主事王仕基捐職同知方稷捐職布政司經歷吳世驊許世斌捐職布政司理問許肇捐職州同葉道立六員俱著加恩各照原捐職銜加一級頂帶
欽此

乾隆四十五年十月浙江巡撫兼管鹽政李質穎以商捐塘工銀二十萬兩具奏蒙

恩允准並奉

硃批知道了此係有益彼桑梓之事可行耳欽此

乾隆四十六年十一月浙閩總督兼管兩浙鹽政
陳輝祖以商人何永和等情願捐購塘柴二千萬
斤預爲貯備以濟工用等因具奏欽奉

恩旨准其捐辦並著查明捐資各商咨部照例議敘以
示獎勵

乾隆四十七年九月浙閩總督兼管兩浙鹽政陳
輝祖以商人何永和等公捐豫省河工銀八十萬

兩具奏奉

旨准其所請並以該商等急公抒悃著該督查明咨部
照例議敘又乾隆四十九年二月浙江巡撫兼管
鹽政福崧以商人捐輸

賞賚塘工等項共銀六十萬兩具奏蒙

恩允准並著交部議敘乾隆五十五年吏部題據浙江
巡撫兼管鹽政覺羅琅玕將兩次捐餉商名造冊
咨部請將捐職道金泳給予從三品鹽運司職銜
捐職道金柯給予從三品鹽運司職銜仍准其加

三級捐職知府何銓運同何元亨給予正四品道員職銜捐職同知吳世驥許政汪之均龍光斗田慶豐給予從四品運同職銜捐職同知何琳候選同知許立綱給予從四品知府職銜捐職主事金枝王養度王沅郭世琯給予從五品員外郎職銜捐職主事陳廷訓止准其加一級捐職員外郎湯煦汪之泳金樾汪世銓給予正五品郎中職銜捐職司務韓文顯給予從七品國子監助教職銜捐職員外郎金棻給予正五品頂帶捐職通判汪大

臨馮官慶顧學汲吳汝臨給予正五品同知職銜
捐職布政司理問許燭潘奕璵州同鮑念曾候選
布政司經歷吳世驊給予從五品提舉職銜捐職
布政司理問許世敏候選布政司理問許世昌給
予從五品提舉職銜仍准其加一級捐職布政司
理問朱瑞熊鄭啟王廷桂金潤生捐職布政司經
歷汪本王汝熙祝棠顧應亨吳印心吳士濤捐職
州同楊夢璋孫錫鼎俞棫吳同琯汪萬寧許祖興
洪業陸塏吳河汪立成吳鼎金狄垣孫復元王瑞

龍均給予正六品通判職銜捐職布政司理問汪槐布政司經歷汪慶年州同葉道傳徐源均止准其加一級捐職布政司理問王來儀止准紀錄二次應補直隸州州判諸以致州判汪廷謨均給予從六品州同職銜就職直隸州州判汪嗣勳給予正七品按察使經歷職銜捐職庫大使李熙載鹽大使方世然姚光弼汪芳方穉陳慶雲孫啟元許世敦錢承祖湯景祝俞晉范相琦潘錫美汪衡候選鹽大使王卓給予正七品按察司經歷職銜捐

職縣丞陳志正王相濟金誠汪崇本吳兆熊許林
張載春孫清慶吳訢胡濤楊文治汪焱金世沅周
棫許立朝關森陳崇祚郭與高吳崇儉許立廷胡
長庚吳夢龍吳嵩基李春馥吳平心孫敬元方坤
均給予從七品直隸州州判職銜捐職從九品趙
承鎬給予正九品主簿職銜捐職未入流許瑗給
予從九品吏目職銜舉人雷載朱蔭槐及芳給予
正六品通判職銜舉人陸炳副貢及夔龍止准於
得官日加二級監生吳從朱鉞給予正八品縣丞

職銜監生李繩武王國杓汪連王念祖汪應啟葉
恕汪之迦王中簡胡鈴陸希曾方景登給予從八
品鹽知事職銜貢監生陳大臨張玉堂葉道重給
予從九品吏目職銜俊秀葉盛戴道立汪福汪長
莖給予從八品鹽知事職銜捐職布政司理問吳
樹卓准其加二級隨帶捐職衛守備陳鈺給予四
品都司職銜以示獎勵奉

旨依議欽此

乾隆五十三年正月浙江巡撫兼管鹽政覺羅琅

珩以臺灣大功卽日告竣商人情願輸銀四十萬兩以爲賞恤兵丁之用等因具奏蒙

恩允准並著查明咨部照例分別議敘以示獎勵

乾隆五十三年二月浙江巡撫兼管鹽政覺羅琅玕以商人何永和等聞

欽派大臣前詣臺灣建築城工請捐銀三十萬兩以爲添備城工之用等因具奏蒙

恩允准

乾隆五十五年六月浙江巡撫兼管鹽政覺羅琅

珣奏據商人何永和等呈稱本年

聖壽慶典現已遵照派定段落先後起程赴京敬謹辦

理惟是商等仰荷

洪慈亦得其與

王會尤爲欣幸敬公備銀一百萬兩稍供

慶典賞賚之需奉

旨知道了欽此八月十二日奉

上諭今歲朕八旬慶節率土臚歡現在來京祝嘏臣民
俱已疊沛恩施同霑愷澤所有承辦慶典之浙江商

人亦宜一體加恩用昭嘉獎著將該商等本年應交柴塘生息銀十二萬兩於五十六年爲始分作三年帶完以示朕錫福施恩至意欽此八月二十日奉

旨頒賞三四品職銜兩淮商人洪箴遠鄭於吉汪日初

王履泰江正大張大安巴敬順浙江商人何永和

方瑞登吳志仁姚泰許紹泰五六品職銜兩淮商

人程儉德巴恆泰黃濬泰俞晟瑞浙江商人楊恆

昌汪順吳本初吳仁豐天津商人王佩第愷劉克

昌楊世安張永銳金起霖楊秉樾徐都齊嘉穀魏

臨任振宗張天瑞李金監李文錄七八品職銜兩
淮商人尉濟美浙江商人汪立本天津商人及貢
監商人朱晉郭鴻宋思德展秉禮董調元于義升
李汝士韓鴻起范承業張帝臣張爾發等四十七
人耕織圖詩畫十二分九老會詩四十七張漳絨
寔綢宮綢絹共三百二十八匹大小荷包一百十
八對貂皮二百三十四張並

賜入宴

乾隆五十七年二月浙江巡撫兼管鹽政福崧以

廓爾喀賊匪滋擾後藏剋日蕩平商人何永和等
請捐輸銀一百萬兩以備凱旋

賞賚之需等因具奏奉

旨賞收銀五十萬兩捐餉商人查明照例議敘是年四
月巡撫兼管鹽政福崧又以商等請捐銀兩出自
至誠所有未蒙

賞收銀五十萬兩仰乞

恩施格外俯准捐輸等因具奏蒙

恩賞收

嘉慶四年三月兩浙鹽政蘇楞額以川陝著名首
逆陸續就擒大功告竣後需用較繁商人吳康成
等請公捐銀一百五十萬兩以爲凱旋
賞恤之用等因具奏蒙

恩賞收銀一百萬兩仍將該商等交部照例議敘

嘉慶五年二月兩浙鹽政延豐以川陝大功卽日
告竣商人吳康成等請公捐銀一百萬兩以備

賞資等因具奏欽奉

恩旨兩浙商人上年請捐銀一百五十萬兩當經酌收

銀一百萬兩今該商等復行籲請捐輸餉項著加恩
將上年未收銀五十萬兩再行賞收其餘五十萬兩
著不必交納欽此

嘉慶五年七月兩浙鹽政延豐以浙商續捐川楚
賞賚銀一百萬兩並捐溫台緝匪公需銀一十萬兩等
因具奏奉

上諭浙江溫台等處皆係商人等刮鹵銷引之區現在
添備兵船礮位於該處巡緝防守商人等捐銀十萬
兩以濟公需自應准其所請至報捐軍需該商等業

已兩次奏懇節經賞收銀共一百五十萬兩且此時帑藏充盈川陝連獲勝仗大功指日告蒧原無需續有捐項但該商等情詞懇切若不俯准所請轉無以遂其報効之誠著賞收銀五十萬兩仍著加恩交部議敘以示獎勵欽此

嘉慶五年七月兩浙鹽政延豐以本年六月台州處州金華紹興等府屬間被水災商人吳康成等請捐穀一十萬石以備賑濟並請於鹽義倉內借動應用等因具奏欽蒙

恩旨允准並以該商等急公尚義殊屬可嘉交部議敘
嘉慶六年三月兩浙鹽政延豐以商人吳康成等
捐備川楚

賞賚銀一百萬兩等情具奏蒙

恩賞收五十萬兩欽奉

諭旨著造該商等人數銀數履歷清冊咨部給予議敘
以示獎勵

嘉慶六年七月兩浙鹽政延豐以商人吳康成等
捐備永定河賑銀三十萬兩等情具奏蒙

恩賞收並奉

上諭該商等急公報効情殊可嘉著查明各姓名咨部
議敘以示獎勵欽此

欽定重修兩浙鹽法志卷十八終